



鹿野透禪師雲岳集卷上

富山府城十州對露
喜野景松栢此樹
母承交和氣其末
這真何師藥書其復其防
後復其書其防

富山府城十州對露
喜野景松栢此樹
母承交和氣其末
這真何師藥書其復其防
後復其書其防

C40
4514
(283)

8 64883

C40-4514

了翁定請大慈及
家書異武州苦雲
我微笑塔院后府中永
為學者不敢許出院內
富山二世鐵牛機謹誌



B 64853

靈樹遠禪師雲岳集卷上

行者廣仍記錄

垂示

稀逢難遇正在此時達士切磋决非草草其或局于
嘗準索短不構深泉

黃金為世界白銀為壁落雪竇云釋迦老子不合向
這裏扃師云雪竇恐防污了常住一片地若是病僧
一任諸人即今還有扃得出底麼

雪竇上堂云一徑直二周遮衲子辨得眼裏生花師
云病僧則不狀一徑直二周遮衲子辨得玉本無瑕

撰述

古今底事一一現前畢竟作麼生辨代云春無三日晴

又云春無三日晴種麻底喜喜歡歡樵麥底煩煩惱天地之大也人猶有所憾爭得一道平懷泯朕自盡代云他後不得諱却

青蘿黃絲直上寒窠之頂白雲淡泞出沒太虛之中高則高矣美則美矣疑若登天朕未免自無筋骨藉彼威光驀卓拄杖云靈對根下一刀看你倒也不倒古人云其為也形其寂也冥轉變天地自在縱黃可沙而用混沌而榮誰見不喜誰聞不覺

之寶隱在陰入之坑雪竇以拄杖擊一下

也寶在甚處師喝一喝云好笑雪竇已無目而徇屬天下之視現前日月山河色空明暗稻麥粟豆麻纒絲絮窮通貴賤仰事俯育一一探取隨時頭頭應用莫竭豈可守死善道不解變通病僧非敢暴殄天物祇要大家知有驀伸手云乞我一文
旃檀林裏不麤餘香師子窟中全無異獸靈岳一峰天下獨秀奇怪擔簦躡屨者祇見石磊磊不見玉落落若見玉落落方知道寬廓
達磨面壁豈是計較未成曾祖不言亦非伎倆已盡

支那

雲西集上

撰述
病僧今日何敢以訐爲直小人多內嫌君子無外德
雲門云久雨不晴今日晴衲僧曬了也未良久自云
曬了也雪竇云收復拈起拄杖大眾定動乃云無一
箇靈利便下座打趁師乃低頭云慙愧他家遠祖裔
孫只解打墊食喫全不顧自家皮草今年久晴不雨
山頭新栽窠檜一時乾殺行者人力一箇箇不惜手
脚那曾放過雲門雪竇若不傷他觸他未必善因而
招惡果良久咳嗽一聲

天上月圓人問月半蘇州杭州兩從其便靈樹支頁
爭敢射著他人泐潭水底也須炤顧自

義出豐年儉生不孝佛法中有甚損益
不得遠上座到這裏滿面慙惶沒轉變底自朕不作
這般見解打露柱一下云你甞

一雨連十日夜寒憎破壁誰知脚下泥特地深三尺
堪笑嘉州大像倒騎陝府鐵牛一步一跌跌得父母
未生前鼻孔七花八裂負痛歸來連聲苦屈還有相
救者麼代云莫驚衆又云與他一束草

酌海持蠡徒勞困苦測空窺管也甚希奇大智慧人
自朕功不浪施一毫頭上識得根源極爲省事拈起
一莖草云這是一毫頭根源在何處代云掀倒禪牀

開門待知識知識不來過春山疊翠春水流香病僧
忍俊不禁扶杖出門行一轉因甚依舊土曠人稀相
逢者少代云人無遠慮必有近憂

一日聞法堂鼓乃云十方俱擊鼓十處一齊聞爲是
聲來耳邊爲復耳往聲處代云不勞如此

大人者不失赤子之心哆哆啞啞恬莫知恥終不得
物語未正故因甚又道面赤不如語直代云始慚病
僧意

十年磨一劍霜刃未曾試今日把似君高聲云墨
善舞者麼代云只恐寡不敵衆

雪竇一日云傾湫倒嶽尋嘗之用不涉泥
句來自云三千里外師云雪竇不道不曾行脚只是
太遠設問病僧不涉泥水道將一句來只消向伊道
著甚來繇

父子親其居尊卑異其位遠上座六歲進學堂會聞
先生恁麼道二十年來置之閑處誰料而今也用得
他著問訊聖僧云作麼生用無對自代云到這裏誰
不低頭

又顧聖僧云寶山到也須開眼勿使茫茫空手回你
成年論月呆椿椿地坐在靈岳峰頂菜不擇一莖柴

不搬一束二時齋粥一分也不會缺若你異日闍老子索飯錢將甚寶酬他無對自代云分半院與伊乾坤之內宇宙之間中有一寶雪竇云樹在壁上師驀指壁上燈盞云莫便是這箇麼代云是則是祇是難爲識者

胡蜂不戀舊時窠猛將冒向家中效雄兵百萬且定岳疆劍客三千若爲驅使代云鈞在不疑之地道人機變出在臨時除非知有莫能知者別許商量尚滯意根難爲湊泊

當年崩了華山四十里壓倒八十村人家

掃土而盡中心樹子屬阿誰了

麒麟之於走獸皮骨相似頭角懸殊鳳凰之於羽鳥毛羽雖同文彩弗類文彩未彰頭角不露勘得破底眼裏有筋

敲繩牀一下云這塊所在三世諸佛擾擾匆匆歷代祖師莽奔鹵鹵天下老和尚七上八落病僧萎萎麤麤旣云同條共命你老老小小猶自東倒西攪冬瓜直隴侗瓠子曲灣灣一夜到天明身也不解轉渠儂口甚渴水也無人遞推出梳子云用你作麼代云上座頭匾也未

撰述
又拍枕子云何似生通身是眼好人也不識代云從來疑著上座

又云有疑請决因甚相伴人做夢代云通身葛藤理不清

首楞嚴經云此大講堂洞開東方日輪昇天則有明曜中夜黑月雲霧晦暝則復昏黑戶牖之隙則復見通墻宇之間則復觀壅分別之處則復見緣頑虛之中徧是空性鬱焯之象則紅昏塵澄霽歛氛又觀清淨雪竇云慙愧釋迦老子說什還與不還文殊堂裏萬菩薩到處覓不得元來總在這裏靈利漢一見便

請拘折拄杖師乃呵呵大笑云九九八十一雪竇跳

不出

佛滅二千歲比丘少慙愧金色尊者有眼不敢開拍掌一下云莫怪病僧放慙也

寒食因悲郭外春墅田無處不傷神林間壘壘添新塚半是去年來哭人何不煇當初復云謹白叅玄人光陰莫虛度

舉臨濟大師一日示衆云有一無位真人嘗在汝等諸人面門出入初心未證據者看看時有僧出問如何是無位真人濟下繩牀擒住云道道僧擬議濟便

拓開云無位真人是甚麼乾矢橛雪峰聞云臨濟大
似白拈賊雪竇云夫善竊者鬼神莫測既被雪峰勘
破臨濟未是好手師云上下三指彼此七馬人人眼
見耳聞何必將日作月於面門上著爍討甚吉凶咄
無位真人且欵欵地

舉德山示衆云今夜不答話問話者三十棒時有僧
出禮拜山便打僧云某甲話也未問山云你是甚處
人僧云新羅人山云未跨船舷好與三十棒法眼云
大小德山話作兩橛圓明云大小德山龍頭蛇尾雪
竇云二老宿雖善裁長補短捨盡從輕要死德山亦

請拗折拄杖師乃呵呵大笑云九九八十一雪竇跳
不出

佛滅二千歲比丘少慙愧金色尊者有眼不敢開拍
掌一下云莫怪病僧放憨也

寒食因悲郭外春墅田無處不傷神林間壘壘添新
塚半是去年來哭人何不恤當初復云謹白叅玄人
光陰莫虛度

舉臨濟大師一日示衆云有一無位真人嘗在汝等
諸人面門出入初心未證據者看看時有僧出問如
何是無位真人濟下繩牀擒住云道道僧擬議濟便

拓開云無位真人是甚麼語。矢樞雪峰聞云臨濟大似白拈賊雪竇云夫善竊者鬼神莫測既被雪峰勘破臨濟未是好手師云上下三指彼此七馬人人眼見耳聞何必將日作月於面門上著爇討甚吉凶咄無位真人且欵欵地

舉德山示衆云今夜不答語問話者三十棒時有僧出禮拜山便打僧云某甲話也未問山云你是甚處人僧云新羅人山云未跨船舷好與三十棒法眼云大小德山話作兩橛圓明云夫小德山龍頭蛇尾雪竇云二老宿雖善裁長補短捨盡從輕要見德山亦

這老漢前來却像箇好人相似可惜坐下地一看兩頰上篆了幾行字縱有聖子神孫竭盡無限通力百劫也爲伊蓋覆不得弗若索性明告天下後世使知仲尼日月也無得而踰焉方見某甲直在其中

舉僧問馬祖離四句絕百非請師指直某甲西來意祖曰我今日勞倦不能爲汝說問取智藏忞僧問智藏藏曰何不問和尚僧云和尚教來問藏曰我今日頭痛不能爲汝說問取海兄去僧往問海海云我到这裏却不會會舉似馬祖祖曰藏頭白海頭黑師云苦哉苦哉這僧兩隻眼睛大似癡銅鈴一向不知寄

在那裏被人家恁般欺侮

舉僧問趙州道人相見時如何州云呈漆器師云無鬚鎖子八面玲瓏不撥自轉南北西東道人相見彷彿不同趙州古佛蘸筆塗空慕面賞伊箇霹靂又道遠上座性急

舉百丈侍馬大師行次見野鴨子飛過大師云是甚麼丈云埜鴨子大師云甚處去也丈云飛過去也大師遂把丈鼻扭負痛失聲大師云又道飛過去也佛果勤云要與祖佛爲師叅取百丈若要自救不了叅取馬大師師云杜耳目於胎殼掩罔象於霄漢而考

宮商之異辨玄素之殊勤祖殆庶幾乎爭奈兩葉能蔽明雙豆能塞聰日月麗天而莫覩雷霆拔地而勿聞又何怪乎生盲生聵者而責之以璇璣律呂多見其不知量也有般漢拄杖不知顛倒言語不識正邪只管說料揀炤用玄要主賓且道馬大師恁般爲人是先炤後用是先後炤甚處是人甚處是境莫道埜鴨子是境百丈是人麼扭鼻頭是用又道飛過飛是炤麼那裏是百丈與祖佛爲師處那裏是馬大師自救不了處佛果亦不是拗直作曲節外生枝他明明向你道了也你還定當得麼病僧不惜齒舌今朝

撰述
與你說破靈岳老和尚云法無差別悟有偏全苟非
佛祖爲師者不能使人爲佛祖譬如手不能忘筆則
字畫難於刻雕口不能忘聲則語言難于屬文故徑
山杲云直饒悟得足色十成若大法不明以自已所
悟所證接人未免瞎却人眼祇如當初百丈若于馬
大師纔舉手處悟去猶虧一半卽使扭鼻會得轉見
不堪猶待他撒尿撒尿方省自己面孔有甚共語處
爭免得他尾上一箇霹靂所以道明鏡當臺妍媸自
辨鎖鑰在握殺活臨時若非具定龍蛇眼目擒虎兇
機關何能別是非于石火辨縑素於電光畢竟要識

祖佛爲師底句麼叅取露柱若要自救不了江北江
南請各自便

機緣

老和尚一日晚叅僧纔出尚劈脊一棒云秦時轆轤
鑽師不覺失笑尚便歸方丈一衆擁入師亦隨至尚
顧師云汝適來見箇甚麼道理師云春風纔動百花
香尚便喝師亦喝尚又喝師亦喝尚云如何是你父
母未生前本來面目師云見山是山見水是水尚云
忽狀翻轉面皮又作麼生師云見山不是山見水不
是水尚云盡大地火發汝向甚處躲根師云火不自

燒尚便打師一喝便出
老和尚隨上堂師出衆便喝尚云諸佛未出世祖師未西來還有佛法商量也無師云枷上著扭尚云卸却項上鍊枷道將一句來師一喝便出

又一日老和尚上堂師出問把定乾坤絲毫不漏如何得不動而治無爲而化尚云今年雨水足眼見有秋成師云法王法令已見全提向上機關別請方便尚云九月築場圃十月納禾稼師云猶是時人窠曰尚云何不高聲問將來師云鸞鳳不棲荆棘樹拂袖歸衆

回東寺受業問清淨本狀云何忽生山河大地師云熟處難忘儼再問師云轉見不堪

師侍老和尚山行次見一髑髏尚問師髑髏在這裏人在甚麼處師以脚踢髑髏云只在這裏

老和尚一日因諸官員入山請上堂師首出衆問云紅旗閃爍點定龍蛇青劍輝煌截開凡聖正恁麼時爲是肘臂符靈爲復毘盧印鈔尚云看取令行時師云恁麼則喝散烟雲換轉霄漢也不爲分外尚云那箇男兒不丈夫師云快人一言快馬一鞭撼坐具歸衆

老和尚一晚問師一句當天八萬生死門永絕是那
一句師云風過對頭搖尚又問祇如道撞著道伴交
肩過一生叅學事畢此理如何師云可知禮也尚復
問知是般事便休作麼生是你知底事師云台州少
鹽喫

次日圓鑑居士薦嚴請老和尚上堂師出問昔年父
母今日兒孫且道向甚處相見尚云風過樹頭搖師
云莫將鶴喚誤作鶯啼尚云可知禮也師便喝尚亦
喝師又喝尚亦喝師云擘開華嶽千重秀放出黃河
一道清便歸衆

檀越慶誕請老和尚上堂師問捩轉乾坤呼回日月
移他方於此土等一念于千齡不假功勛承誰恩力
尚云曩謨無量壽師便禮拜尚打云喫

次日上堂師又問昨日承和尚有言是處是慈氏無
門無善財是否尚云是師云喫拂袖便行

師一日豎起掌問老和尚開則成掌五指叅差隨握
拳云闔則爲拳一無高下還有喫得底麼尚便打師
云果朕我爲法王於法自在尚又打師云將謂將謂
拂袖便出

僧問諸佛法藏深固幽遠無人能到如何是諸佛法

藏語未卒師云脚下草鞋錢什麼人還僧擬議師云
少信根人終無解脫

僧問從上綱宗是有是無師云你喫飯還用口麼
一居士于墨海上閱寫師見問云在這裏作甚麼士
舉起墨海師云只這箇去處不知沒殺多少英雄
又僧問如何是不二門師云有甚麼碑記

老和尚一晚舉五祖演和尚垂語問師譬如牛過
牯四蹄頭角都過了因甚尾巴過不得師云病入膏
肓

老和尚一晚舉華嚴棗柏論曰華嚴第三會於須彌

頂上說十住表入理契智非生滅心所得至故如須
彌山在大海中高八萬四千由旬非手足攀攬所及
明入萬四千塵勞山住煩惱大海於一切法無思無
爲卽煩惱海枯竭塵勞山便成一切智山煩惱海便
成一切智海若起心思慮有所攀緣則塵勞山愈高
煩惱海愈深不可至其智頂云汝輩精深教海試爲
老僧說看各各抵對畢末後某上座談辯最盛將散
去師從傍舉起手中蒲扇云你試講講這箇看纔擬
議師連打數下云須是我與你講始得
一日浴次師云既不洗塵亦不洗體大家圖箇甚麼

青上座云今日是大盡師云不得久洗妨他別人便起

師一日侍立次老和尚問云你一向在甚處躲根師云不離左右尚云你道老僧有幾莖蓋膽毛師云自家驗取尚云侍者不得力師云那一日不曾與和尚提瓶挈盃那尚云幾時得箇出頭師云全靠某甲不得尚云放待冷來看師作掌勢云卽今便是更待何時

師一日禮拜老和尚尚拈起拄杖云這樣大底喫得多少師云某甲答這話不得尚便打師云也是倚勢欺人尚又打云從來有些子師乃近前問訊云三十年後敢爲流通

師在靈岳會裏時賦禪師充第一座一日秉拂衆問話畢師出問堂中首座人天眼目適纔那箇師僧解領話座云蘇州有嘗州有師云恁麼則堂中第一座有長處也座驀起身立云長多少師顧左右云大眾驗取拂袖歸衆

又一日秉拂師纔出便喝座云俊哉此是觀音入理之門師又喝座云依稀似曲又被風吹師連喝兩喝歸衆座歸寮師云莫怪適來相觸忤座云幸是王老

師師一喝便出

一日問毀藏主師三世諸佛歷代祖師菩薩聲聞天龍八部都被你牢牢鎖却鑰匙還在手裏麼主豎一指云見麼師云臭骨頭十八

第一座到寮問疾師指椅子云古靈對虛一座以待雲門便云知聖今靈對爭敢屈著師兄若果有大人相暫時降尊就卑也不爲分外座云甚麼處不是王老師師云病僧不解忌口座喚行者你已後小心服事上座

一日看行者泥火爐次乃云古德道夫從緣有者始

終而成壞不從緣有者歷劫而嘗堅指火爐云這箇是從緣得底那箇是不從緣得底第一座云何不問王老師師云不敢動尊座云是何言歟師遂近前問訊云罪過

一日問行者甚麼小食者遂將粽子來師云將甚麼蘸者云赤糖也無白糖也無教某甲沒法師云黃連未是苦

有僧問昔有比丘持盃至一長者門首被狗咬者問云龍披一縷金翅不吞大師全披法服爲甚麼却被狗咬當時這僧無對今請代一轉語師云這畜生識

甚好惡

師到南屏省觀一日侍老和尚食楊梅次師問蘇州底好杭州底好尚云祇據現在師云和尚喜人親近尚云惡虎不如善猫兒師云某甲也是人家男女尚云蘇州來杭州來師云總不是好喫底一醫者爲師診脉師云道得與你診醫云請手來師云古人道左心小腸肝膽腎右肺大腸脾胃命若於此處識根源七顛八倒那伽定且道病僧根源在甚處醫高聲喚云某禪師師云此猶是枝葉醫大笑師云失口道著

師因病劇下山慰母青上座云和尚意恐師兄舟次勞頓且緩緩師云叅禪正要在此時用青云作麼用師云後五日看

同叅問如何是佛師云玉塵撐空叅云如何是佛向上事師云金絲釣月

同叅問如何是密密意師云勘破東風柳眼細

僧問趙州柏對子意旨如何師劈面一掌云直截根源佛所印摘葉尋枝我不能

同寮舉昔日僧問五祖演如何是佛祖云露胷跣足如何是法祖云大赦不放如何是僧祖云釣漁船上

撰述
謝三郎問云尊意如何師云我卽不狀僧便問如何是佛師云寶花蹀躞舞春風如何是法師云三段不同如何是僧師云收歸上科

一居士問師近日尊候如何師云趙州道底士云不會師云自小持齋身又病客來無力下繩牀

文衢師到寮相看師云如何是你全體作用文云通身鎧甲師云此猶是體文云如何是用師云七縱八橫文云勅點飛龍馬跛驚出頭來師云不是病僧洎與上座荅話

僧問有句無句如藤倚對意旨如何師云撐風撐日

又問對倒藤枯句歸何處

卽云塞壑填溝

師因路逢故人問別來未久聞已大悟師云那有這
樣事云遠近緇白總與麼道師云何得貴耳賤目云
真箇不同師云當面欺人云乞師端的師云孔夫子
是魯國人

一同叅問牛過窓櫺四蹄頭角都過了因甚尾巴過
不得師連聲叱云這畜生五歲來尚使不得

問古人道門外有讀書人到來意旨如何師云奉伊
一盃茶

皓月大德問南泉斬猫是何意旨師云劈腹剜心云

趙州頭帶草鞋而忝又且如何師云放憨作麼月禮
謝師云不勞再勸

問如何是祖師西來意師云何得剗肉作瘡云畢竟
如何師云不可拈一放一

客到相訪見師菽菊客云要他何用師云譬如閉

師一日讀指月錄同叅問云如何是指師云三長兩
短如何是月師云破也破也

問向上一路千聖不傳如何是向上一路師云口祇
堪喫飯

師見僧闍證道歌師云不離當處嘗湛狀覓卽知君

不可見你還覩日頭麼僧以手向空一畫師云多少
人錯喚作日頭

問心是根法是塵二種猶如鏡上痕祇如心法雙忘
又喚甚麼作鏡師云翻轉面皮看

舟次僧問如何是某甲自己師云扁舟雪月蘆花裏
問如何是衲僧立地處師云不可倚牆靠壁

一居士問弟子持金剛經得否師云你通身是一卷
金剛經向那裏開口士云畢竟如何受持師云莫破

句

問觀方知彼去去者不至方此理如何師云石頭作

沙彌時叅見六祖

問達磨大師十萬里程得得來我真丹骨裏髓也不
惜因甚一隻皮履却又放不下師云未可容易
僧問如何是不從人薦得底事師云汝還見壁麼僧
云不會師云抱取貓兒來僧擬走師便喝

師一日問青上座云法華經中爾時龍女有一寶珠
價值三千大千世界且道三千大千世界是多少價
青云且待須臾自當證知師云師兄卽今還冒方便
麼青近前叉手云也不較多師乃休去

師問老和尚一鎚便就底還得千了百當也無尚便
喝師云人無遠慮必有近憂尚又喝師云西天令嚴
尚無語師云幸是和尚尚云若不是老僧洎被打破
蔡州師笑云已遲八刻

一晚諸同寮涵空閣前翫月師問云正與麼時如何
一云請師兄鑑師云莫相鈍置云湖南長老師指池
中月影云你莫認著這箇

同叅問散誕不拘儀軌終日拖泥帶水是甚麼人分
上事師云做驢做馬人分上事問云曉雲分嶽色細
雨濕鶯聲又作麼生師云入道不通理復身還信施
靈樹遠禪師雲岳集卷上

60
1
2
3
4
5
6
7
8
9
70
1
2
3
4
5
6
7
8
9
80
1
2
3
4
5
6
7
8
9

中月謝云浴莫歸暮豈箇僧擬走師便喝

一云謂嗣只繼嗣云莫昧雖置云職南昇法嗣許出

一與謂同寮函空閣前謂且問云玉與魏却味可

蔡休嗣笑云刁戩入陵

尚無謂嗣云幸甚味尚尚云蒼不甚法曾前姪休姪

尚嗣云人無叢亂必直我憂尚又問嗣云西天令還

靈樹遠禪師雲岳集卷下

閑居擬寒山子二十首

憶昔齟齬時志慕萬里遊
曾中頗豁達自負非嘗流
讀書苦不就鑄劍尋丹丘
爰有異人遇一編願相投
成敗指其掌天下當一籌
長笑子房懦孔明未足優
金錢買士卒躍馬橫中州
男兒無死地冑爲鄉土留
風霜刺人骨身病勿自繇
忽悟寵榮妄唾唾輕王侯
眞仙得歸仗猿鳥相綢繆
千花疊雙趾寶月懸青眸
黃塵日飛滾氣味颯以秋
君親兩高厚自忖難薄酬
伏惟御珍几埜老仍歌謳

又

貧固士之嘗狀亦不得已誰能奈饑寒博此空名字
斯言恐未圓或可贈君子羣小多濫觴靡靡莫知止
諂曲競苟榮修羅陣方起飛刃同落花流矢如秋雨
田禾歲不登慘殺盈千里天王真聖明神兵下調御
滿月開寶弓般若聲灌耳修羅遠退潛藕絲一莖裏
善惡冥感通響應誠伊邇譬之執方諸捷來太陰水
慈濟斯爲尊嗔嫉彼都喜杲日煥兩頭憑君意所取
我被忍辱衣來作如來使高明逼人惡美服患羣指
教君心坦平誠君語雕僞履薄與臨深請自今朝始

又

南破楚江雲北犯燕山雪丈夫志叅詢安冒自菲屑
撥草勿憚煩情懷止金鐵踏斷幾丈鞋足指迸鮮血
死生如未明爭敢妄扭捏形直影必端惶惶慕前哲
九到與三登至今有遺烈

又

大千一繩牀賢愚共寢處彼彼夢不同要之均夢耳
貴極天子尊賤遺蓬華士貧富各異趣寵辱分憂喜
色聲唾縛蠅利名腥戰蟻得者燄如山失者類糠粃
百年曾未醒昏昏被驅使不審明眼人又作何行履

又

鄰舍癡老翁終歲無閒日侵早走下牀短髮未遑櫛
慌忙東復西謂我有家室半文沒親疎橫豎計得失
衣在長忍寒腹在唯畏實帑蓄萬黃金行止慣酸澀
勸渠植福田謗詈一口出雪霜蓋頭顱前途正黑漆
呼吸如不來萬事俱了畢妻子與錢財知他是誰物

又

身爲累性淵名乃斬身斧那堪三寸皮鼓掉開衆怒
縱橫絕端倪萋菲爭媚廬浸潤劇虺蛇包藏勝狼虎
靚面機陷深鬼神亦可侮篡弑律殷湯忠孝按周武

餘者更紛紛抑揄不足數某爲經庫奴某是守錢虜
西家婦悍殘東家子幹蠱吾師大法王隱顯月臨溥
天龍莫能窺言敢輒莽鹵旁觀竊負慙木石真無可
离婁稱極明已眼還同瞽靜中試揣捫日用何曾妥
古人貴寸陰黃金棄如土勿快暫時衣裳換毛羽

又

春風原上來吹我前村綠葉興走出門老幼競相逐
我亦隨之行鼓聲滿林麓男女彙萬人蜂蟻相屯蹴
諸優在場中演劇賽神福妍醜態畢呈貴賤情可掬
倚杖立片時啞狀燦雙目今古誰爲真剎那多反覆

石火猶較遲電光未云速心知本大同何必爭榮辱

又

我見世愚人占寺爲墳墓爲言沙水靈瘞骨致豪富
僧僞佛更慈徬徨兩不顧挾勢恣貪殘經營中規度
石羊亦崢嶸石虎自狀大酒肉歸雁堂墓門臨廣路
鬱鬱佳窠楸祇陀舊栽對自喜可百年繩繩胥保護
那知天好還榮華直電露其居蓋售人其子已物故
雖有數宗黨錙銖互戕蠹無地拜兒孫空塚穴狐兔
炎炎信不長慎勿再疑誤

又

禮對食白花鑽石駕明月世人慕真仙紛紛異其說
公家止深山視聽亦銷歇妄想非嘗人示以還童訣
不能了唯心枉自久磨折縱得形骸飛豈免輪迴轍
彭殤命固殊一歿終何別願君棄丹瓢來悟無生滅

又

仁政罷淫祠古廟香爐冷門高三尺灰木偶徒悲耿
無何天道乖日月蔽光景家國魑魅遊詭語祭路爲梗
廟神喜無限同類閹商村托巫爲表裏酒肉相汲引
巫謝叩頭許願長充項領鼓噪里巷間愚夫墮其窞
奔走舉若狂廟貌煥狀整王婆女病寒李公子傷飲

皆言神見責當急致菓茗小鬼飽忻跳舞夙憂屏
巫神正歡樂不測生俄頃天符下青冥霹靂碎神頂
老巫復暴亡廟門一朝尙羞殺小鬼曹啾啾抱孤影

又

一翁五十餘日夕心惶惶相逢問其故乃言苦非嘗
齒牙逼衰暮玄鬢已結霜生男男不育生女女不長
家財亦自可田園滿青黃舉目誰余嗣魂夢多匆怛
神福屢叩許佛廟曾修裝百無一靈應陳說真荒唐
我語癡老翁本末當細詳何爲歿牛馬不識天心良
神明炯方寸小信其來享汝行察所悉于理或未當

權衡異高下尺度裁短長謀之根不遂得之患遺亡
親朋有饑餒婢僕無衣裳仁慈竟安在惻隱歸何方
止止勿復道蠲棄應自強不聞燕山桂至今裊芬芳

又

薤草字沙門未達僧之義碌碌與麼過光陰當兒戲
佛法旣不諳詩禮那會視貢高尊木义輕薄遊講肆
到處築得來行行得其志一點不揩磨口給爭雄利
人我等山王習氣日流注忝負飽叢林虛斷神光臂
所以師乳投必待琉璃器

又

高躡五臺水嶮陟峨眉雪九子與補陀輕裝事朝謁
走道莫知疲脚跟幾蹴裂白象未經騎金師那曾拽
到處禮土坡銷磨好年月疊疊向人誇衣食頗豐悅
真佛內裏坐真法無異說斯須弗相離何乃反拋撇
觀面如不逢過去徒切切

又

仲尼有遺書舉世少人讀字畫雖燦狀大意久不復
童子才咿唔便云學千祿一二老腐儒峩冠炫章服
步步合規繩言言鄙食粟自稱鄉魯實孝友舌殘禿
印之一以貫支吾實慙恧何況後生輩微倖掇科目

刺齒梁與肥被體綺兼縠色聲羽其真金帛濟其欲
誰復惠蒼生朝廷豈我獨覬覦歷要樞爭免覆公餗

又 蛛蜘蛛

慣運腹中絲礙簷正當門蚤蠹結陣來成雷暮喧喧
石牀臥寂莫遭逢頗銷魂疲民困于吏晝夜苦如燔
膏血亦已竭啖啞不少慙旣飽且輕忽罹網失所援
黨羽盡脫落軀命無一存尺鷃傲蓬蒿崛起隱丘樊
頡頏拾遺穗撲撲爭飛翻斯虫誤於巧狗欲志利昏
絲綸豈久恃強弱相凌吞料非屠門嚼小啄無餘痕
觀之悟生理知足免怨恩昔人誠貪得守雌乃榮尊

擬述

撰述
往事遂不諫來者可論丈夫歿溝壑勇士喪其元
窮達分有定謀慮終何言

又

金閨富家兒美麗閨且都自小鄙章句游俠長安衢
雕鞍五花馬結束紫墮璫明珠贈倡伎爲歡日夕殊
所交得何人市中有狗屠耳熱仰天笑擊缶歌嗚嗚
遠承父兄蔭稼穡空艱虞豪氣橫八極一擲千金無
今朝囊橐虛兼乏升斗儲家僮盡零落畱剩唯區區
朋親暫相遇閉門或長趨反覺自羞赧俛首泣向隅
有錢不珍惜事空空脚躡僵臥凍欲裂有誰送吹噓

又論鼠也

深夜朔風狂畏寒撥書臥何物一么麼緣牀更穿戶
叱之益橫虐止之更跋扈咯咯雞亂鳴軋軋鬼爭磨
伎倆信有窮跳躍漫相侮竺魯兩先生遺文盈百部
湘綺好莊嚴晴窓日翻蠹汝固無所知烏敢輒殘破
是乃最恨心舉世欲椎銼奴人苦奔波不寐皆汝故
設穽偵所爲貪婪果隨墮縛束快衆心欲置必歿路
勸湯磔汝尸方始息彼怒吾行慈忍緣且復啓檀度
勉令解其鐙僅免殺身禍飼以晚香杭飲之最清露
要汝自知非回心寡疑誤耐奈根性卑久久猶不悟

潛付無一長何反沐恩顧矯斃黠有餘跼踖示無慕
舍諸歸故穴羣鼠相吊賀慎勿怨奴人奴人汝慈父

又

讀書不用多多讀將奚爲但願識兩字終身力行之
忠今臣獨守孝哉子宜知如斯雖未學今古無間辭
君見負名士赫赫耀坤維門墻網英材桃李成舊蹊
微倖望顏色僉曰真吾師空言塞遐邇國家豈少禪
陟黜割怨恩公罷示以私爭先放于利利盡或忝離
卒狀臨禍患安得不磷淄寄語世上兒虛僞祇自欺
毋寄目於耳勿倒相在皮鑄心休明鑒精識當自持

胡漢互隱伏立地分妍媸擇交不慎始後悔真遲遲

又

諸業從心生病復緣業有吾今正眼觀內外細尋剖
四緣偕六塵畢竟誰爲某打翻汗通身道火豈燒口
凡夫昧本因顛倒恒掣肘寒暑迭變遷踐履寡堅守
上下禱神祇紛紛外邊走成敗命所司造化挈樞紐
或云藥有靈倉扁今在否骨裏臭頑皮百歲諒非久
符到卽奉行何必問奇偶慙愧老瞿曇狼籍至八斗

又

梧桐生朝暘蒸菌亡晦朔豈因賦稟殊而致怨所托

古道已久湮人心愈微薄自滿鼠飲河偷安燕巢幕
尖巧贈聰明老成編鄙朴挾勢氣炎懷我腹索索
習染日以濃安能加斧鑿髮白齒疎黃觸事面山岳
不聞列祖機劈箭難湊泊大隊隨入門閉眼妄卜度
一箇計兩雙三頭并獨脚大似未種禾攘攘議咩獲
汝真欲會禪先把意根斫胷中一字無正好求靈藥
恢恢刃有餘大用絕矩矱解來猛虎鈴拘忒獍龍角
欲了無了期與誰全宵諾不如杖策歸白雲滿廖廓

靈岳歌

危峰拔地一千丈削翠塗藍好模樣鳥飛不度雲在

腰但有日月行其上袈裟土膏牙如砥碧眼胡僧未
會覷豐干跨虎赤城來禿帚生花香滿地鏗金戛玉
牙齒寒聾人解聽盲者觀祥磨威鳳走不徹鐵羹木
札隨君食越古超今今洞開門戶摩空蕩漢兮壁立
案杉可以控回羣壑可以屹揭狂瀾抵許龍象蹴踏
而非跛驢所堪夫是之曰天下靈岳

拄杖歌

佛來也打祖來也打正令風行曾不少假前後知他
觸忤多少賢良德山門下慣自減人聲價橫肩則直
入千峰萬峰按膝則一任指鹿爲馬持危扶顛兮不

撰述
驕不矜敲骨取髓兮可驚可怕忽朕吞却乾坤汝輩
茄子瓠子擬向甚處之乎者也阿刺刺吾今更思一
頓兮不知誰是其人者

贈山中念法華老僧

義峩蓮峰逼塞虛空有叟冥棲雪頂紺瞳一坐五十
春飲啄心童蒙香焚一爐開梵篆冷冷妙韻隨天風
聞其聲兮泉鳴幽砌望其形兮鶴立孤窠開房著影
兮神鬼欽服右有一鬼歷三十年當侍左
右至五更則呼僧起誦經晝永無人兮
花雨瀰濛吁嗟乎茫茫三界劫燒飛紅狐狼野干嗟
喋嗚吠虬蛇蝮蝎競走爭雄唯存一門而復猶小諸

子幼稚曷啓迷封羊車鹿車隨根給與白牛行疾旋
轉如風日月炤臨不到衣珠爛彩雨露滋霈莫及藥
草成叢脫珍著弊兮權宜网辨轉經經轉兮迷悟相
攻公今讀經已萬遍中間字字無遺踪法華畢竟擬
誰是倩公指出開羣盲公今有口忽如啞公今有耳
還如聾始知斯經不在音聲與齒舌楮墨文句安能
通敢道我得佛之精祖之髓雲興瓶瀉說教談宗何
異蠡探溟渤螢燹蒼穹不知化城旣息別無寶所經
行坐臥長在其中御寶車今步步踏著聚沙運石均
躋大同酥酪醍醐盡是法王之供盆菟米麵咸出長

者之宮而猶驚疑莫信怵怵逐逐南北西東是有類乎捨父逃逝而致我心忡

禮萬峰藏和尚捨

綱宗壁立摧魔膽炤用星馳墮祖機智絕攀緣三萬頃當年面目不相違

讀和尚語有感二首

倚勢欺人這老子上下何曾有七指一字一箇金剛圈祖佛那容心不灰修羅蚊蚋皆充足大海曾無分別心儘汝罷來傾滿忒威音原不異于今

禮燮雲璣禪師捨

耳門有竅雙流急眼孔無私列岫寒石火機深藏善變不能畱得罵豐干

示東寺諸師師受業處也

破盡家私別立家灰猫頭上夜開花古靈祇解悶措背病遠從來不撒沙

母氏六十說偈以壽

阿郎貧到赤骨律欲獻尊堂無一物記得大顛曾有言晝夜拈來一百八

送友之臯亭

太用鈞兮住用錐鈞錐在手絕虧危正當此日鈞錐
息珍重途中好善為

僧問緣生

茫茫三界無心法笑問緣生甚處安慙媿瞿曇太狼
籍賺他門外草湯湯

名實無當

博記多知誰及君固狀是玉也驚羣予無一字唯高
腹除却閤名種白雲

迷悟相反

茆店風狂雪正濃橫眠兀坐况難同冒襟流出真相

為千古令人想錢公

大功不宰

拘折烏藤學隱山遶菴虎跡落花明明朝大有商量
在莫謂無心是透關

晦迹自貽

偶狀植杖當家山為客長看影亦閑雪似天花來永
晝竟忘身在寂寥間

與時寡合

任山禮樂亡拘束品字燒開滿面塵今日偶隨寒澗
出無心翻欲受人嗔

機述

至人不羈

入佛入魔休咄咄是凡是聖總非非不因喝下龔雙
耳敢向人前逞大機

為道日損

勞而無力唾蒼蒼可惜光陰逐日恁向忒好畱三寸
舌莫教容易罵諸方

讀林間錄二偈

慈明老人性豪逸忽繩墨凡聖莫測初棄南
源歸省其母以銀盆為之壽其母投諸地罵
曰汝少行脚負布索去今安得此物吾
望汝濟我今反欲置我作地獄滓耶

颺却銀盆復痛呵去來何事不同途賢哉母氏高風

遠不語低頭媿纖蒲

白雲端禪師既悟旨于揚岐辭去游廬山圓
通訥禪師見之自以為不及舉任江州承天
名聲爆耀又讓圓通以居之而自處東堂端
時年二十八自以前輩讓善叢林責已甚重
故敬嚴臨眾以公滅私於是宗風大振未幾
訥公默閑寂郡守至自陳客情太守惻狀日
端端笑唯唯而已明日陞座曰昔法眼禪師
有偈曰難難難是遣情難情盡圓明一顆寒
方便遣情猶不是更除方便太無端大眾且
道情作麼生遣喝一喝下座負包去一眾大
驚挽之不可

喝下黃河直倒流腰包負起孰能畱男兒自有超方
骨爭肯因人減一籌

雜偈

支那

雲出集

十三

脚跟無繫類虛舟飯罷閑行到小丘兩岸黃花秋更
遠平田不見有畊牛
阿翁倚石看雲立稚子沿溪引月行纔有是非心便
失雖狀同樂不同情
里巷聲名與佛齊朝朝利養怕人移闇籌秘策如能
中悽斷鴿音不我知
師皮狐質成羣走末俗誰能辨假真不是頂門開亞
眼頭蹄爭執互紛綸
禪道休於冊上尋貪他故紙類癡蠅不知世界原空
潤味著還粘唾一星

青州衫子日將穿瘦骨嶙峋露半肩世路于今爭取
貌慙惶未敢出人前
滿甕黃齏舊典刑客來祇待覺鮮新莫嫌冷澹無滋
味角徵宮商在一莖
今朝剛厭首陽薇可怪羣鷗盡欲飛心事被伊潛看
破這回休更說忘機
病來半折弘宗志愁到三緘罵世唇手把楊枝臨水
坐閑思往事似前身
同條起倒問真師未到無心肯放伊最苦鈍根猶不
薦指頭咬得血淋漓

睡少始知茶有驗病多長怪藥無靈西來密意無他
指偷覷春風柳眼青

貧到無錐方徹骨克家端賴破家兒今朝不重吾師
德祇重當初不鼓皮

拋灰潑水鉗錘惡煮肉燒錢手段優翻轉面皮俱話
墮果朕不是我同流

海兄昔侍馬師前幸是當初會得禪今日無端成忌
諱阿難直欲哭蒼天

雲月谿山祇一僧貧無錐影力無能倘君眼底難容
物吹滅寒牕半夜燈

善財當日向南叅勘破門風五十三也只問酬兼禮
退何曾背地口喃喃

東西南北爲叅玄濟水新豐各少年止止勿全輕後
進一株畱取蔭人天

牧童

終朝水草不曾虧丫角山童執杖隨一自索頭牽斷
後至今踪跡杳難追

漁父

明月蘆花無帶著謝家風味在漁舟波濤險惡曾經
慣儂與鷓鴣一樣幽

病中謝客

免懷勝負心莫啓是非齒相向宋無言慙狀淡而止

警世

龕糲懷寒餓身心自飽煖勿使禍然眉始憶東門犬

華嚴東寺辟支佛牙頌

崇禎癸酉六月幾日夜殿中有光忽自地湧

覩者驚異遂發其地未三尺許得辟支佛兩齒比丘性嘗特設小捨爲衆植福予旣獲瞻禮乃復爲之頌曰

大雄尊難湊泊以一音同啐啄根器殊隨分覺而此

師何所著獨遊行喻麟角磻花濃林葉薄會無嘗戀
寂寞厭泡幻求脫縛力未充德莫莫虔皈命度五濁
塵久埋光更燦衆驚訝加椎鑿固得之玉落落嘆希
有置高閣肯回心悟前錯聖凡情齊拈却功德聚潤
生藥亘古今絕名邈

六根頌

首楞嚴經佛告阿難汝欲識知但生無明使
汝輪轉生死結根唯汝六根更無他物汝復
欲知無上菩提令汝速證安樂解脫寂靜妙
嘗亦汝六根更非他物嗚呼六根之爲用也

撰述

大矣譬若水火然民非二者不生活而燎原
恒于斯覆溺恒于斯以其無有情故利之與
害一道而行故云知見立知即無明本知見
無見斯即涅槃可不慎所用哉

眼

諸法縱狀本自條直一翳若存顛倒逐物試問未形
為黑為白見所不及徒勞刻畫

耳

動則有聲靜則無聽動靜兩忘反聞聞性入觀音門
住那伽定昔日香嚴因邪打正

鼻

面門兩管端的向下逐臭尋香最多能者借汝出氣
不會暫舍失手摸著可知禮也

舌

有一句子具足百味毒藥醍醐有什憑據結佛祖窻
犯人天忌爾其慎旃莫逞快利

身

脆如秋葉薄似春雲因緣假合瓦裂瓜分一朝敗壞
何者是君咄哉漆桶休更紛紜

意

支那

雲岳集

十七

撰述
幽閑室中分別影事于去來今妄想倒計妙湛無痕
一漚自棄能善用之不可思議

聞聲悟道

夢中捉敗老鼠聲寒毛箇箇撐辰星觀音祇解岳裏
坐補陀至今草不生

見色明心

雪團一擲八千里普賢錯認自家底苔帚糞箕與麼
忙今古何曾掃得起

沒絃琴

手撥虛空太古清高山流水夜風生乾坤此日知音

少曲調誰能辨假真

栽窠道者

拏雲攫霧攪空山到老何曾得暫閑攪入浣盆聲更
惡至今腥臭滿人間

和大圓居士子胡狗頌

佛祖搏來一口吞四蹄腥血污當門子胡自尚難蹲
足莫道風流不喪魂

辛卯元旦和尚命作狗子無佛性頌

狗子佛性無相將入帝都三更明月下壁上畫蜘蛛

十二時頌

撰述
夜半子倒臥寒雲裏會夢悟圓通笑豁當門齒
鷄鳴丑殿角長鯨吼被底出頭來佛面憎百醜
平旦寅色色露全身爲有長安道茫茫賺苦辛
日出卯纔生卽便咬室內有紅塵不知遣誰掃
食時辰粥薄慣生嗔鼓寂鐘沉後岳頭話轉新
禺中已奪得還葱履第一莫將來將來不相似
日南午一箭射兩塚案樹勢如龍石頭形似虎
日昃未問著無人會童子如不來樓閣閑長閑
晡時申布袋緊隨身十字街頭立閑閑等箇人
日入酉揭簾防惡狗饒君解白拈也須遭一口

黃昏戌老鼠翻蘿壁洗脚思上牀深慙無定力
人定亥舉頭殘月在與麼不與麼隨緣何呈礙

總頌

病僧使得十二時辰喫飯屙屎順喜逆嗔顧我別無
伎倆一味直道而行

自讚

謂非行遠突出難辨謂是行遠兩梁一箭祖佛尚不
厭於懷魔外那敢窺其面來也絕跡掃踪忒也全身
應現本無位次得安排拍手呵呵生閃電好大哥見
不見心眼從教人自開莫道虛空無後殿

和尚語略序

諸佛世尊以二大事因緣出興于世欲令衆生開示
悟入非言教曷以被遐荒亘古今所以憤啓悱發首
重當機流演傳宣最尊結集故香林明教于雲門室
中衣楮襖竊書古人衛法之心槩可想也夫山老師
得過量資縱無礙辨集諸家之大成荷斯文于當代
說法二十年語言遍天下學者每以全經富博艱于
致之剖腠東行切負諦師之願倒身西拜空追智者
之風行遠念無補于師門忝綴名于弟子今非敢以
忝取自揣爰遵馬鳴論中少文而攝多義之旨彙略

成編俾心樂總持者易于隨覽亦猶飲滴海而用百
川不思餘味登泰山而卑天下豈羨羣高惟諸上士
幸同寶焉

杜安說

佛祖妙道簡易至當不越吾人尋嘗日用學者昧而
忘本別求奇奧是猶厭棄猪肉而曲覓龍肝正所謂
非愚卽狂也明教嵩公以爲釋子情可遺而親不可
忘今人一經薙染便委綱嘗于草莽置名節于塵烟
我慢逼身心空滿口謂君親不必尊也師友不必敬
也但當學吾道而已嗚呼離此之外固別有道耶則

吾所未聞已節有之乃異端曲學非所謂佛祖圓融
至妙之道也晉世尊於娑羅雙樹間入般涅槃諸大
弟子已得深達實補類皆憂惱悲哀躡踊顛仆而經
中亦未見有呵為情識未亡之語顏回歿仲尼哭之
至慟駙馬李公薨慈明不遠五千里驅馳極盡哀私
而後返東山演祖每聞諸方老宿有順世者愀然不
樂曰法門秋晚後學失所瞻依是皆命世亞聖大人
為萬代斯文之主而起祖宗于咳唾掉臂者也其喜
怒哀樂初無異於常流狀豈今人所能夢見而敢妄
加評品乎如必欲絕去情理為高則自古亂臣賊子

弑君鳩母者皆為離相超羣之作矣殊不知理事不
可偏廢目定互以相資苟非雙眼洞明中心廓徹罔
弗執跛驢盲者之見而賊害至公敢望有力大人一
起而振之不唯使宵小有所憚忌即萬古闢佛者亦
當從此結舌其樹勛猷于名教也豈不偉哉
大庾韜
禪師聞
和尚羅韜
匍匐出山
隨侍左右
至平川
怪風夜起
遂覆舟而沒
和尚以法
門失人而
哭之慟或
者非之師
乃作是論
以正云

觀劇


戊子之春三月既望余偕友人震公游于天池石壁
之下驟聞鼓角聲自山麓來乃驚而問曰是豈有戎

馬之警耶何聲之震也公引余登高望之笑曰演劇
耳何驚爲盍與若汪觀之至則見諸優周旋俯仰懽
者悲者忠者佞者無不盡態極妍而後已余觀未竟
慨然嘆謂公曰當爾之時彼亦何知身在戲場中耶
迨夫曲終人散必自有啞狀失笑者夫豈獨諸優爲
狀狀則余與公今者所見譬如目眚空華亂起不知
明眼人當此更復何如公以予言爲近道也因退而
書其說

靈對遠禪師雲岳集卷下

必菴居士陳濟生助刻





式

又

